



## SUMÁRIU BADAQ KONA-BÁ *OPTIONS PAPER*

Tranzisaun ba ekonomia zero emisaun presija reforma iha polítika públika iha setór hotu-hotu no asaun-sira no planeamentu reziliénsia iha ekonomia tomak nasaun nian.

Kona-bá Politika no Lejislasaun relasiona ho lei Mudansa Klimatika presija envolve setór no prioridade politika lubuk-ida inklui enerjia, transporte, politika industriál, saude públika, floresta, agrikultura, no seguransa ai-han.

Implementasaun lei no politika ba mudansa klimatika, nasaun bele adopta:

1. *Aprosimasaun Setórial Ad-hoc ida ka;*

2. *Aprosimasaun Enkuadramentu ba Lei Mudansa Klimátika.*

*Aprosimasaun Setórial Ad Hoc* ne'e dezenvolve no asegura implementasaun Politika no Lei sira relasiona ho Mudansa Klimatika liu husi lei ne'ebe iha fatin on aka lei existente.

Enkuantu, *Aprosimasaun Enkuadramentu ba Lei Mudansa Klimatika* kobre asuntu no setór oi-oin, kombinasaun regulamentu no governasaun iha lei ida-deit nia okos.

Enkuadramentu ba Lei Mudansa Klimatika sei efetivu liu wainhira konsidera sirkunstánsia nasionál no karik kompleta ho lei ka regulamentu balu ne'ebé fasilita nia medida implementasaun spesifika.

### 1. ENKUADRAMENTU LEI MUDANSA KLIMATIKA BA TIMÓR-LESTE

Nuudar "Nasaun menus dezenvolidu" no "Nasaun dezenvolvimentu illa ki'ik ida," governu Timor-Leste mós buka atu aprova Kontribuisaun Nasional Determinadu ne'ebé determina ona tuir Akordu Paris (NDC) ne'ebé reafirma ninia kompromisu ba implementasaun efetiva no transparente husi Akordu Paris iha 2022.

Relasiona ho Enkuadramentu Lei ba Mudansa Klimatika, Timór-Leste iha interese atu dezenvolve enkuadramentu legál nasionál ida hodi hatan mudansa klimatika. Lei ne'e sei hanesan instrumentu jurídiku ida hodi implementa Politika Nasionál Mudansa Klimatika no Kontribuisaun Nasionál Determinadu ne'ebé atualizadu.

Aprovasaun Enkuadramentu Legál ba Mudansa Klimatika tenke mos konsistente ho pratika di'ak internasionál.

Nasaun 30 liu mak introdús ona enkuadramentu legál sira kona-ba mudansa klimatika, inklui Portugal, Fiji, Mauritius, Mexiku, Reinu Unidu, Peru, Guatemala, Fransa, Korea Sul, Japaun, Dinamarca, Suesia no Nova Zelandia.

## **2. ESTRUTURA LEI MUDANSA KLIMATIKA**

Enkuadramentu legál sira kona-ba mudansa klimatika hala'o ona papél importante ida hodi fó sinál kompromisu sériu governu sira-nian atu responde ba mudansa klimatika liuhosi instrumentu lejislativu ida-ne'ebé klaru no vinkulativu.

Prátika di'ak liu hodi dezenvolve enkuadramentu legal ba mudansa klimatika nian foka liu ba nesesidade lejislasaun sira hodi:

- Dezenvolve kooperasaun no kolaborasaun iha departamentu governu sira-nia laran tomak
- Estabelese objetivu ba tempu naruk ba mitigasaun no adaptasaun ba mudansa klimatika no redusaun risku dezastre, inklui lejislasaun ba meta emisaun zero ba tempu naruk
- Ko-eziste ho planu no asaun nasionál sira seluk no/ka lejislasaun ne'ebé eziste,
- Promove foti desizaun bazeia ba siénsia ne'ebé di'ak

- Fornese polítika ba tempu naruk ne'ebé lolos no sinál investimentu ne'ebé klaru hodi permite empreza no comunidade sira atu planeia no investe
- Inklui *input* husi parte interesada relevante sira
- Harii enkuadramentu ida ba koleisaun sentralizadu dadus gás estufa nian iha setór hotu-hotu.

Desizaun sira kona-ba opsaun sira ne'ebé Timor-Leste hakarak adopta no nivel detallu ne'ebé presiza ba opsaun ruma iha ninia Enkuadramentu Legál ba Mudansa Klimatika sei envolve

(1) Konsiderasaun kle'an ba lei no regulamentu sira ne'ebé oras ne'e daudaun ne'e regula Timor-Leste nia prioridade sira kona-ba mudansa klimátika,

(2) Komprensaun kona-ba oinsá governu Timor-Leste hakarak atu lei no regulamentu sira-ne'e interasaun ho malu (inklui ho lei sira ne'ebé eziste) no

(3) Termu sira husi *Politika Mudansa Klimatika* no kualkér Kontibuisaun Nasional Determinadu atualizadu.

### 3. . SUJESTAUN NO REKOMENDASAUN SIRA

Iha Timor-Leste, **Konstituisaun RDTL** nu'udar nivel lei aas liu ne'ebé tenke adere ba. Tuir ami-nia hanoin, iha razaun konstitusionál oin-oin ne'ebé apoia dezvoltamentu Enkuadramentu Legál ba Mudansa Klimatika.

1. Tuir Konstituisaun, direitu ba klima estavel iha protesauhan hanesan direitu fundamentál ida. **Tuir Artigu 61**, iha direitu ba ambiente umanu, saudavel no ekolojikamente ekilibradu. Iha mós devér ida ba estadu no sidadaun sira atu asegura direitu nee. **Iha artigu 61 (1)** ne'e haktuir katak "ema hotu iha direitu ba ambiente ida-ne'ebé umanu, saudavel no ekolojiku no iha devér atu proteje no hadi'a ambiente ne'e ba benefísiu jersaun sira iha future".

2. **Artigu 8 no 9** husi Konstituisaun deskreve rekizitu sira ba Timor-Leste relaciona ho relasaun internasionál no simu direitu internasionál. Timor-Leste asina ona akordu internasionál lubuk ida-ne'ebé relaciona ho mudansa klimátika (inklui Akordu Paris) no nu'udar asinatura ba akordu hirak-ne'e, Konstituisaun RDTL adopta ona tratadu internasionál hirak-ne'e iha Timor-Leste nia sistema jurídiku nasional. Enkuadramentu Legál ba Mudansa Klimatika ida bele harii direktamente tuir rekizitu sira ne'ebé hakerek iha tratadu internasionál sira-nia laran iha Timor-Leste nia kuadru

Tanba ne'e iha razaun konstitusionál ne'ebé klaru atu propoin Enkuadramentu Legál ba Mudansa Klimatika ida iha Timor-Leste liuhusi parlamentu nasional **(tuir Artigu 95 (2) (e) husi Konstituisaun RDTL)**.

Ho razaun konstitusionál sira-ne'e no konsidera sirkunstánsia nasional Timor-Leste nian, ami halo sujestaun sira tuir mai kona-ba opsaun sira ne'ebé bele konsidera iha detallu liu tan ba Enkuadramentu Legál ba Mudansa Klimatika Timor-Leste nian.

- 3.1 Estabelese baze ba implementasaun tarjetu indikativu no kompromisu la kondisionál husi Timór-Leste nia Kontribuisaun National Determinadu ne'ebé atualizadu
  - A. Objetivu redusaun rmissaun
  - B. Adaptasaun no reziliénsia ba klima
- 3.2 Klaridade kona-bá direitu karbonu
- 3.3 Estabelese baze ba *MRV* ne'ebé solidu no transparente
- 3.4 Estabelesimentu komisaun asesoria sentralizadu ida ba mudansa klimátika
- 3.5 Konsiderasaun adisionál ba Timór-Leste
  - A. Deklarasaun Emerjénsia Klimatika
  - B. Natureza
  - C. Jéneru
- 3.6 Lei seluk ne'ebé bele fo impaktu ba Enkuadramentu Legal ba Mudansa Klimatika

#### **4. ASAUN SIRA TUIR MAI**

Bainhira governu Timor-Leste foti ona desizaun polítika importante sira kona-ba nia Nasionál Politika Nasionál ba Mudansa Klimatika no ninia Kontribuisaun Nasionál Determinadu ne'ebé atualizadu sei presiza halo desizaun lubuk ida kona-ba opsaun ida-idak ne'ebé apresenta iha dokumentu ida nee. Maske ami halo tiha ona rekomendasaun balun, opsaun hotu-hotu tenke konsidera atu asegura katak Enkuadramentu Legál ba Mudansa Klimatika Timor-Leste nian ne'e ambisiozu no sólidu hanesan iha faze ida nee.

Opsaun hirak ne'ebé hili tiha ona bele dezenvolve ba iha estrutura esbosu lei no sujeita ba prosesu konsultasaun ho parte interesada sira.

Dokumentu ne'ebé akompaña husi dokumentu opsaun ne'e iha planu envolvimentu tentativu ida ho parte interesada sira bazeia ba esperiénsia foin lalais ne'e nian ho konsultasaun ne'ebé fó sai ona kona-ba Kontibuisaun Nasionál Determinadu 2022 ne'ebé atualizadu.

Aneksu-sira iha dokumentu ne'e mak hanesan tuir mai-ne'e:

1. Aneksu 1: Aprosimasaun Komparativu
2. Aneksu 2: DTA nia memorandum kona-bá kriaun Konsellu Nasionál ba Asaun Klimatika
3. Aneksu 3: Legislasaun Timór-Leste ne'ebé eziste relevante ba Enkuadramentu Legál ba Mudansa Klimatika foun